

16.02.18

17.2.927

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

15.02.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Մանվել Մարգարյանի դիմումի շուրջ ստեղծված նյութերը,

Պ Ա Ր Զ Ե Ց Ի


2018թ. փետրվարի 6-ին Երևան քաղաքի Գյուլիքեխյան փ. 21շ. 33բն. բնակիչ Ս.Մարգարյանը դիմում է հասցեագրել այն մասին, որ համաձայն չէ իր նկատմամբ կայացված ԱԴ թիվ 520317 որոշման հետ, քանի որ այդ պահին ինքը հեռախոսով չի խոսել, այլ ընդամենը նայել է, թե ով է զանգահարում:

Դիմումի ուսումնասիրությամբ պարզվել է, որ 31.01.2018թ. ժամը 16.25-ին Երևան քաղաքի Դավիթ Բեկի փողոցում քաղ.Ս.Մարգարյանի կողմից վարած «Տոյոտա» մակնիշի 003 DD 55 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 5-րդ սպայական դասակի ավագ տեսուչ, ոստիկանության մայոր Ա.Սարգսյանի և նույն դասակի տեսուչ, ոստիկանության կապիտան Է.Կիրակոսյանի կողմից ճԵԱԱՄՕ-ի խախտման համար, այն է՝ վարորդն ավտոմոբիլը վարելու ընթացքում օգտվել է հեռախոսակապից՝ ձեռքի օգնությամբ: Վարորդի նկատմամբ կազմվել է վարչական իրավախախտման վերաբերյալ արձանագրություն և, համաձայն ՀՀ ՎԻՎ օրենսգրքի 124 հոդվածի 11-րդ մասի, կայացվել է ԱԴ թիվ 520317 որոշումը՝ 5000 դրամ տուգանելու մասին:

Ըստ ծառայողների գրավոր բացատրությունների՝ Դավիթ Բեկի փողոցում նկատել են, որ իրենց հանդիպակաց երթևեկող «Տոյոտա» մակնիշի 003 DD 55 հաշվառման համարանիշի ավտոմոբիլի վարորդը երթևեկելիս օգտվում էր հեռախոսակապից ձեռքի օգնությամբ: Ա.Սարգսյանը և Է.Կիրակոսյանը հայտնել են նաև, որ Ս.Մարգարյանի կողմից թույլ տված իրավախախտումն եղել է իրենց տեսադաշտում և ակնհայտ: Կանգնեցնելուց հետո ավագ տեսուչ Ա.Սարգսյանը մոտեցել է վարորդին, ներկայացել, պարզաբանել իրավախախտման բնույթը և պահանջել փաստաթղթերը: Վարորդը չի ընդունել իր կողմից իրավախախտում թույլ տալու փաստը, պատճառաբանելով, որ ինքը չի օգտվել հեռախոսակապից, այլ ընդամենը նայել է, թե ով է իրեն զանգահարում: Համապատասխան արձանագրություն կազմելուց հետո վարորդը հրաժարվել է ծանոթանալ արձանագրության բովանդակությանը և ստանալով միայն փաստաթղթերը՝ հեռացել է:

Դիմումում նշված հանգամանքների շուրջ պարզաբանումներ տալու նպատակով քաղ. Ս.Մարգարյանը հեռախոսակապի միջոցով հրավիրվել է ճՈ, սակայն հայտնել է, որ դիմումին ավելացնելու ոչինչ չունի, խնդրել է դիմումը քննարկել, իսկ արդյունքների մասին հայտնել գրավոր:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների



պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Ս.Մարգարյանի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 11-րդ մասով նախատեսված իրավախախտման զանցակազմը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Մանվել Մարգարյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 5-րդ սպայական դասակի ավագ տեսուչ, ոստիկանության մայոր Ա.Սարգսյանի կազմած վարչական իրավախախտման վերաբերյալ արձանագրության հիման վրա 31.01.2018թ. կայացված ԱԴ թիվ 520317 որոշումը՝ Մանվել Մարգարյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

Կատարող՝ Զ.Մանասարյան
011-567944



Ե.Կարապետյան